

ТИББИЁТДА ҚЎЛЛАНИЛИШИГА ДОИР ЙЎРИҚНОМА
УРОЛЕСАН®
(UROLESAN)

Препаратни савдо номи: Уролесан® (Urolesan)

Дори шакли: орал томчилар

Таркиби:

1 мл препарат қуйидагиларни сақлайди:

фоал моддалар: карағай мойи oleum Abies – 67,60 мг, қалампир ялпиз мойи oleum Menthae piperitae - 16,90 мг, ёввойи сабзи меваларининг суюқ экстракти (1:1) extractum fructuum Dauci sativi fluidum (экстрагент 96% этанол), флавоноидларнинг умумий миқдори 0,03% кам бўлмага холда гиперозид хисобида -194,35 мг; қумлоқ қуббаларининг суюқ экстракти (1:1) extractum fructuum Strobili lupuli fluidum (экстрагент 96% этанол), флавоноидларнинг умумий миқдори 0,05% кам бўлмага холда гиперозид хисобида -278,80 мг; тоғрайхон ўсимлигининг суюқ экстракти (1:1) extractum herbae Origani fluidum (экстрагент 96% этанол), флавоноидларнинг умумий миқдори 0,03% кам бўлмага холда гиперозид хисобида -192,95 мг;

ёрдамчи моддалар: динатрий эдетати; канакунжут мойи.

Таърифи: кўкимтир-жигаррангдан то жигаррангача бўлган, ўзига хос ялпиз ҳидли суюқлик.

Фармакотерапевтик гуруҳи: Урологияда қўлланадиган восита.

АТХ коди: G04BX.

Фармакологик хусусиятлари

Келиб чиқиши ўсимлик бўлган мажмуавий препарат. Уролесан® препаратини таркибига кирувчи моддалар сийдик чиқариш йўллари ва буйракларда яллиғланиш кўринишларини камайтиради, буйрак ва жигарда қон айланишини кучайишига ёрдам беради, диуретик, антибактериал, сафро ҳайдовчи таъсир кўрсатади, сийдикда коллоид ҳимоя ҳосил қилади ва юқори сийдик йўллари ва ўт пуфаги силлиқ мушакларининг тонусини нормаллаштиради.

Уролесан® мочевиная ва хлоридлар чиқарилишини оширади, сийдик пуфаги ва буйракдан майда конкрементлар ва қумларни чиқарилишини осонлаштиради.

Препарат яхши сўрилади, унинг таъсири 20-30 минутдан кейин бошланади ва 4-5 соат давом этади. Максимал самараси 1-2 соат ўтгач амалга ошади. Овқат ҳазм қилиш йўллари ва буйраклар орқали чиқарилади.

Қўлланилиши

Ўткир ва сурункали сийдик чиқариш йўллари ва буйрак инфекциялари (цистит и пиелонефритлар); сийдик-тош касаллиги ва сийдик кислотали диатез (конкрементларни олиб ташлагандан кейин уларни ҳосил бўлишини олдини олиш); сурункали холецистит (шу жумладан калькулёз), ўт йўллари дискинезияси, ўт-тош касаллигида қўлланади.

Қўллаш усули ва дозалари

Препарат ичга, овқатдан олдин қабул қилинади.

Катталар учун тавсия этиладиган дозалари: 8-10 томчидан (қандга, қандли диабет бўлган пациентлар учун-нонга) суткада 3 марта. Буйрак ва жигар санчиклари пайдо бўлганда бир марталик доза 15-20 томчини ташкил қилади. Даволаш курси давомийлиги 5

кундан 7 кунгача, сурункали ҳолатларда – 7 кундан 1 ойгачани ташкил этади.

7-14 ёшли болалар учун тавсия этиладиган дозалари: 5-6 томчидан (қандга, қандли диабет бўлган пациентлар учун-нонга) суткада 3 марта.

Бир марталик дозани, қабул қилиш дозаси ва давомийлигини шифокор шахсий белгилайди.

Болалар. Зарур ҳолларда 7 ёшгача бўлган болаларга Уролесан® сиропи қўллаш тавсия этилади.

Ножўя реакциялари

Одатда Уролесан® яхши ўзлаштирилади. Препаратни қабул қилганда:

- *овқат ҳазм қилиш йўллари томонидан:* диспептик кўринишлар (жумладан кўнгил айланиши, қусиш, диарея, қоринда оғриқ);
- *иммун тизими томонидан:* аллергия реакциялар, жумладан қичишишни ҳис қилиш, юзни қизариши, тери тошмаси, эшакеми, ангионевротик шиш (оғизда ачишиш ҳисси, нафасни қийинлашиши, юзни, тилни шишлари), анафилактик шок;
- *марказий ва периферик нерв тизими томонидан:* бош айланиши, умумий ҳолсизлик, бош оғриғи, атаксия, мушаклар тремори;
- *юрак-қон томир тизими томонидан:* артериал гипертензия, гипотензия, брадикардия кузатилиши мумкин.

Қўллаш мумкин бўлмаган ҳолатлар

- Препаратнинг компонентларига юқори сезувчанлик;
- гастрит, меъда ва ўн икки бармоқли ичакнинг яра касаллиги;
- анамнезида тиричиликлари бўлган болалар (фибрил ёки фибрилсиз)да қўллаш мумкин эмас.

Дориларнинг ўзаро таъсири

Ўрганилмаган.

Махсус кўрсатмалар

Агар конкрементларни ўлчами 3 мм дан юқори бўлса, препаратни қўллаш мумкин эмас. Бронхоспазм пайдо бўлиш хавфи туфайли бронхиал астмаси бўлган беморлар эҳтиёткорлик билан қабул қилсин.

Ҳомиладорлик ёки эмизиш даврида қўлланиши. Ҳомиладорлик ёки эмизиш даврида препаратни қўлланилиши ўрганилмаган.

Автотранспортни ёки бошқа механизмларни бошқаришда реакция тезлигига таъсир хусусияти. Ўрганилмаган.

Дозани ошириб юборилиши

Доза ошириб юборилганда кўнгил айланиши, қусиш, қоринда оғриқ, бош айланиши кузатилиши мумкин.

Даволаш: жуда кўп илиқ ичимлик, тинчлик, фоаллаштирилган кўмир, атропин сульфат (0,0005- 0,001 г) буюриш керак..

Чиқарилиш шакли

25 мл дан флакон- томизгичда, 1 флакон – томизгич қутида; 25 мл дан флакон-томизгичда, томизгич- тикин билан ёпилган, биринчи очиш назоратли қопқоқча билан ёпилган.

Сақлаш шароити

Оригинал ўрамда 25 °С дан юқори бўлмаган ҳароратда сақлансин.

Препарат болалар ололмайдиган жойда сақлансин ва яроқлилик муддати ўтгач ишлатилмасин.

Яроқлилик муддати

3 йил

Дорихоналардан бериш тартиби
Рецептсиз.

Ишлаб чиқарувчининг номи ва манзили

«Галичфарм» ЖАЖ, Украина, 79024, Львов ш., Опришковская кўчаси, 6/8.

Ўзбекистон Республикаси ҳудудида дори воситаларининг сифати бўйича эътирозлар (таклифлар) ни қабул қилувчи ташкилот номи ва манзили:

Ўзбекистон Республикасида “Артериум” Корпорациясини ваколатхонаси, Ташкент ш., 100000, Мустакиллик кўчаси, 59-уй.

тел.: +99871 237 51 53

факс: +99871 237 51 54

e-mail: *Tashkent@arterium.ua*